



Broj: 01/6a-50-3-6-5/15  
Sarajevo, 17. 3. 2015.



PRIMLJENO:			
Organizaciona jedinica	Klasifikacione oznake	Redni broj	Broj priloga
			25.5.2015.

### ZAKLJUČCI I PREPORUKE

#### TEMATSKE SJEDNICE „ROD I PRIRODNE KATASTROFE“, ODRŽANE 10. MARTA 2015.

Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine održala je 10. marta 2015. tematsku sjednicu pod nazivom „Rod i prirodne katastrofe“.

Sjednici su prisustvovali predstavnici institucija zakonodavne i izvršne vlasti, kao i nevladinih organizacija, međunarodnih organizacija i ambasada.

Na sjednici su održane četiri prezentacije, i to:

- “Nakon poplava - rodna analiza u Federaciji BiH”, Gender centar Federacije Bosne i Hercegovine;
- “Akcioni plan za rodnu ravnopravnost u uslovima katastrofa u Republici Sрpskoj za period maj-decembar 2014.”, Gender centar - Centar za jednakost i ravnopravnost spolova Vlade Republike Srpske;
- “Rod i prirodne katastrofe - ka rodno odgovornom medijskom izvještavanju”, Fondacija „LARA“ iz Bijeljine;
- “Podrška romskim zajednicama u poplavljenim područjima”, Udruženje „Bolja budućnost“ iz Tuzle.

Na osnovu rasprave koja je uslijedila nakon prezentacija, Komisija za ostvarivanje ravnopravnosti spolova je, u skladu s članom 49. Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, broj 79/14), na 5. sjednici, održanoj 28. aprila 2015., usvojila sljedeće:

## **z a k l j u č k e**

- Štete od poplava nisu se mogle potpuno izbjegći, ali su mogle biti manje da je vlast preduzela sve da izgradi funkcionalan i efikasan sistem zaštite od poplava;
- Potrebno je ojačati kapacitete kako bi se odgovorilo na potrebe u vezi s resursima, saradnjom i koordinacijom nadležnih institucija za brzo reagiranje u slučaju poplava;
- Položaj žena u ruralnim sredinama u našoj zemlji ukazuje na njihovu čestu zavisnost, prvenstveno ekonomsku, o muškim članovima domaćinstva, stoga bi bilo značajno omogućiti ženama da daju doprinos u programima obnove te da taj doprinos bude vidljiv i prepoznat;
- Mediji nisu na vrijeme upozorili stanovništvo na dolazeću katastrofu, pojedine redakcije nisu se snašle u uslovima katastrofe, pa su se prekasno i na neodgovarajući način uključile u izvještavanje o poplavama, koje je često bilo stereotipno, tabloidno i senzacionalističko, zasnovano na dihotomiji heroj – spasilac, na jednoj, i žrtva, na drugoj strani, s pretjeranim isticanjem patetičnih pojedinosti;
- Nije pridavano dovoljno značaja specifičnim potrebama i postignućima žena u uslovima katastrofa;

kao i sljedeće

## **p r e p o r u k e**

- Institucionalni mehanizmi za rodna pitanja trebaju unaprijediti saradnju s institucijama nadležnim za zaštitu i spašavanje, te im pružiti podršku za uvođenje rodne perspektive u mjere i aktivnosti iz njihove nadležnosti usmjerene na sanaciju, rekonstrukciju i ublažavanje posljedica katastrofa;
- Od najvećeg je značaja nastavak saradnje s jedinicama lokalne samouprave putem institucionalnih mehanizama za rodna pitanja na lokalnom nivou i udruženja radi procjene potreba i ublažavanja posljedica katastrofa, te uključivanjem rodno osjetljivih mjera i pokazatelja u lokalne akcione planove za rodnu ravnopravnost;
- Potrebno je intenzivirati saradnju s medijima po pitanju rodno odgovornog izvještavanja za vrijeme katastrofa.

